

周氏醫學啟書

周氏醫學啟書

PDG

本艸經卷三

吳普等述

下經

下藥一百二十五種爲左使主治病以應地多毒不可久服欲除寒熱邪氣破積聚愈疾者本下經

石灰

礬石

鉛丹

粉錫錫鏡鼻

代赭石

戎鹽

白堊

冬灰

青琅玕

右玉石下品入種舊一十二種

附子

烏頭

天雄

半夏

虎掌

鳶尾

大黃

亭歷

吉更

葭藶子

坤蒿

旋覆花

黎蘆

鉤吻

射干

蛇合

恆山

蜀漆

甘遂

白斂

青葙子

藿菌

白及

大戟

澤漆

茵芋

貫眾

蕘華

牙子

羊躑躅

商陸

羊蹄

篇蓄

狼毒

白頭翁

鬼臼

羊桃

女青

連翹

閭茹

烏韭

鹿藿

蚤休

石長生

陸英

藎艸

牛蒡

夏枯艸

莞華

右艸下品四十九種舊四十八種

巴豆

蜀茛

旱莢

柳華

棟實 郁李仁 莽艸 雷丸

桐葉 梓白皮 石南 黃環

溲疏 鼠李 藥實根 欒華

蔓苺 右木下品一十七種舊一十八種

豚卵 麋脂 鼯鼠 六畜毛蹄甲 右獸下品

四種舊同

蝦蟇 馬刀 蛇蛻 邱蚓

蟬蛻 吳蚣 水蛭 班蝥

貝子 石蠶 雀甕 蜚螂

螻蛄 馬陸 地膽 鼠婦

熒火 衣魚 右蟲魚下品十八種舊同

桃核仁

杏核仁

右木下品
二種舊同

腐婢

右米穀下品
一種舊同

苦瓠

水蘄
右菜下品
二種舊同

彼子

右一種
未詳

序例白字

佚文

附吳普本艸諸藥制使

石灰味辛溫主疽瘍疥搔熱氣惡創癰疾死肌墮眉殺

痔蟲去黑子息肉一名惡灰生山谷

名醫曰一名希灰生中山

案惡灰疑當爲堊灰希石聲之緩急

礬石味辛大熱主寒熱鼠癭蝕創死肌風痺腹中堅一

名青分石一名立制石一名固羊石

御覽引云除熱殺百獸大觀本作黑

字
出山谷

吳普曰白礬石一名鼠鄉神農岐伯辛有毒桐君有

毒黃帝甘有毒李氏云或生魏興或生少室十二月

采

御覽引云一名太白一名澤乳一名食鹽又云李氏大寒主溫熱

名醫曰一名白礬石一名太白石一名澤乳一名食

鹽生漢中及少室采無時

案說文云礬毒石也出漢中西山經云皋塗之山有

白石焉其名曰礬可以毒鼠范子計然云礬石出漢

中色白者善淮南子地形訓云白天九百歲生白礬

高誘云白礬礬石也又說林訓云人食礬石而死蠶食之而肥高誘云礬石出陰山一曰能殺鼠案西山經云毒鼠卽治鼠瘻也

鉛丹味辛微寒主上

御覽引作吐下云久服成仙

逆胃反驚癇瘕疾

除熱下氣鍊化還成九光久服通神明生平澤

名醫曰一名鉛華生蜀郡

案說文云鉛青金也陶宏景云卽今熬鉛所作黃丹也

粉錫味辛寒主伏尸毒螫殺三蟲一名解錫錫鏡鼻主

女子血閉癥瘕伏腸絕孕生山谷

舊作二種今并

名醫曰生桂陽

案說文云錫銀鉛之間也

代赭味苦寒主鬼注賊風蠱毒殺精物惡鬼腹中毒邪氣女子赤沃漏下一名須丸生山谷

名醫曰一名血師生齊國赤紅青色如雞冠有澤染爪甲不渝者良采無時

案說文云赭赤土也北山經云少陽之山其中多美赭管子地數篇云山上有赭者其下有鐵范子計然云石赭出齊郡赤色者善蜀赭出蜀郡据元和郡縣志云少陽山在交城縣其地近代也

戎鹽主明目目痛益氣堅肌骨去毒蠱大鹽令人吐

御覽

引云主腸胃結熱大觀本作黑字鹵鹽味苦寒主大熱消渴狂煩除邪

及下蠱毒柔肌膚

御覽引云一名寒石明目益氣

生池澤

舊作三種今并

名醫曰戎鹽一名胡鹽生胡鹽山及西羌北地酒泉福祿城東南角北海青南海赤十月采大鹽生邯鄲又河東鹵鹽生河東鹽池

案說文云鹽鹹也古者宿沙初作煮海鹽鹵西方鹹地也从西省象鹽形安定有鹵縣東方謂之斥西方謂之鹵鹽河東鹽池袤五十里廣七里周百十六里北山經云景山南望鹽販之澤郭璞云卽解縣鹽池也今在河東猗氏縣案在山西安邑運城

白堊味苦溫主女子寒熱癥瘕月閉積聚生山谷

吳普曰白堊一名白蟾

一切經音義

名醫曰一名白善生邯鄲采無時

案說文云堊白涂也中山經云蔥鬲之山是多白堊
冬灰味辛微溫主黑子去肱息肉疽蝕疥搔一名藜灰
生川澤

名醫曰生方谷

青琅玕味辛平主身痒火創癰傷疥搔死肌一名石珠
生平澤

名醫曰一名青珠生蜀郡采無時

案說文云琅玕似珠者古文作瑯禹貢云雍州貢璆
琳琅玕鄭云琅玕珠也

右玉石下品九種舊十二種粉錫鏡鼻爲二戎鹽

本草綱目卷三
大鹽鹵鹽爲三非攷當各爲一

附子味辛溫主風寒欬逆邪氣溫中金創破癥堅積聚

血痕寒溼踈

御覽作痿

蹇拘攣鄴痛不能行步

御覽引云爲百藥之長大

觀本作黑字

生山谷

吳普曰附子一名葇神農辛岐伯雷公甘有毒李氏

苦有毒大溫或生廣漢八月采皮黑肥白

御覽

名醫曰生犍爲及廣漢冬月采爲附子春采爲烏頭

御覽

案范子計然云附子出蜀武都中白色者善

烏頭味辛溫主中風惡風洗洗出汗除寒溼痺欬逆上氣破積聚寒熱其汁煎之名射罔殺禽獸一名奚毒一

名卽子一名烏喙生山谷

吳普曰烏頭一名葇一名干狄一名毒公一名卑負

御覽作
果負

一名耿子神農雷公桐君黃帝甘有毒正月

始生葉厚莖方中空葉四四相當與蒿相似

又云烏喙神農雷公桐君黃帝有毒李氏小寒十月
采形如烏頭有兩岐相合如鳥之喙名曰烏喙也所
畏惡使盡與烏頭同 又煎子一名葇神農岐伯有

大毒李氏大寒八月采陰乾是附子角之大者畏惡

與附子同

御覽大觀
本節文

名醫曰生朗陵正月二月采陰乾長三寸已上爲天

雄

案說文云薊烏喙也爾雅云芡薊艸郭璞云卽烏頭也江東呼爲薊范子計然云烏頭出三輔中白者善國語云驪姬置薊于肉韋昭云薊烏頭也淮南子主術訓云莫凶于雞毒高誘云雞毒烏頭也案雞毒卽奚毒卽子卽薊子側子也名醫別出側子條非

天雄味辛溫主大風寒溼痺歷節痛拘攣緩急破積聚邪氣金創強筋骨輕身健行一名白幕

御覽引云長陰氣強志令人武

勇力作不倦大觀本作黑字生山谷

名醫曰生少室二月采根陰乾

案廣雅云薊奚毒附子也一歲爲薊子二歲爲烏喙三歲爲附子四歲爲烏頭五歲爲天雄淮南子繆稱

訓云天雄烏喙藥之凶毒也良醫以活人

半夏味辛平主傷寒寒熱心下堅下氣喉咽腫痛頭眩
胃張欬逆腸鳴止汗一名地文一名水玉

已上八字原本黑字

生

川谷

吳普曰半夏一名和姑生微邱或生野中葉三三相
偶二月始生白華員上

御覽

名醫曰一名示姑生槐里五月八月采根暴乾

案月令云五月半夏生范子計然云半夏出三輔色
白者善列仙傳云赤松子服水玉以教神農疑卽半
夏別名

虎掌味苦溫主心痛寒熱結氣積聚伏梁傷筋痿拘緩

利水道生山谷

吳普曰虎掌神農雷公苦無毒岐伯桐君辛有毒立

秋九月采之

御覽引云或生太山或宛胸

名醫曰生漢中及宛句二月八月采陰乾

案廣雅云虎掌瓜屬也

鳶尾味苦平主蠱毒邪氣鬼注諸毒破癥瘕積聚去水

下三蟲生山谷

吳普曰鳶尾治蠱毒

御覽

名醫曰一名烏園生九疑山五月采

案廣雅云鳶尾烏蓬射干也

疑當作鳶尾烏園也唐烏娶射干也是二物

本注云與射干全別

大黃味苦寒主下瘀血血閉寒熱破癥瘕積聚畱飲宿食蕩滌腸胃推陳致新通利水穀

御覽此下有道字

調中化食

安和五臧生山谷

吳普曰大黃一名黃良一名火參一名膚如神農雷

公苦有毒扁鵲苦無毒李氏小寒爲中將軍或生蜀

郡北部或隴西二月始生花黃赤葉四四相當黃莖

高三尺許三月花黃五月實黑三月采根根有黃汁

切陰乾

御覽

名醫曰一名黃良生河西及隴西二月八月采根火

乾

案廣雅云黃良大黃也

亭厯

舊作亭厯御覽作亭厯

味辛寒主癥瘕積聚結氣飲食寒熱

破堅一名大室一名大適生平澤及田野

名醫曰一名下厯一名葦蒿生藁城立夏後采實陰

乾得酒良

案說文云葦亭厯也廣雅云狗薺大室亭厯也爾雅云葦亭厯郭璞云實葉皆似芥淮南子繆稱訓云亭厯愈張西京雜記云亭厯死於盛夏

桔梗味辛微溫主胸脇痛如刀刺腹滿腸鳴幽幽驚恐

悸氣

御覽引云一名利如大觀本作黑字

生山谷

吳普曰桔梗一名符扈一名白藥一名利如一名梗

艸一名盧如神農醫和苦無毒扁鵲黃帝鹹岐伯雷